

Okimaka mposa yonso na bolenge mpe obengana boyengebene mpe kondima mpe bolingo mpe kimia, esika moko na bango bakobianga nkombo na Nkolo na mitema mpeto. (2 Timote 2:22)

Totala mboka na Yesu moko, ye Mobandisi mpe Mosukisi na kondima. (Baebele 12:2)

Ndima bobele kondima

Tika ete mitema na bino mitumolana te. Bondima Njambe, bondima mpe ngai. Na ndako na Tata na ngai, bifandelo bijali mingi. Soko bongwe te, mbe nasili koloba na bino; jambi nakokenda kobongisela bino esika. Mpe soko nakokenda kobongisela bino esika, nakoya lisusu mpe nakoyamba bino epai na ngai ete esika ejali ngai, bino bojala wana lokola.

(Yoane 14:1-3)

Bosepelaka ntango yonso kati na Nkolo. Najali koloba lisusu ete, Bosepelaka! Tika ete boboto na bino boyebana na bato yonso. Nkolo ajali kobeleva. Bomitungisa mpo na likambo moko te nde kati na makambo yonso tika ete bisengeli na bino biyebana epai na Njambe na mabondeli mpe na molombo mpe na matondi. Mpe kimia na Njambe oyo eleki makanisi yonso ekosenjela mitema na bino mpe bikaniselo na bino kati na Klisto Yesu.

(Bafilipi 4:4-7)

Bobwaka epai na ye makambo majali kotungisa bino, jambi bino bojali mpo na ye.

(1 Petelo 5:7)

Nkolo Yesu alobi na makolo na eyanganelo ete, Banga te, ndima bobele kondima

(Malako 5:36)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>



Moto ayebi kosepelisa Njambe te soko ye asengi kondima

Yawe akotalaka bana na bato longwa na Likolo, komona soko moto na mayele ajali, oyo akoluka Njambe. Yonso bapengwi njela, babebi elongo; moko ajali te oyo akosalaka malamumu, ata moko te.

(Njembo 14:2-3)

Bato yonso babungi mpe bajangi nkembo na Njambe.

(Baloma 3:23)

Soko na kondima te, ekoki kosepelisa Njambe te. Mpo ete ekoki na babelemi na Njambe kondima ete ajali mpe ete akojongisa libonja epai na bango bakolukaka ye.

(Baebele 11:6)

Oyo ajali kondima ye akosambisama te. Oyo ajali kondima ye te asili kosambisama naino mpo ete andimi nkombo na Mwana-na-likinda na Njambe te.

(Yoane 3:18)

Kondima euti na koyoka Nsango na Mokanda na Njambe

Kasi bango yonso batosi Nsango Malamumu te. Jambi Yisaya alobi ete, Nkolo nani andimi yango eyoki ye epai na biso? Boye kondima euti na koyoka mpe koyoka euti na Liloba na Klisto.

(Baloma 10:16-17)

Bosili kobotama lisusu na momboto mokopola te kasi na oyo ekobika seko mpo na liloba na Njambe lijali na bomoi mpe likoumela seko. ... Liloba yango ejali Nsango Malamumu oyo esakolami epai na bino.

(1 Petelo 1:23,25)

Solo solo najali koloba na bino ete ye oyo akoyoka liloba na ngai mpe akondima Motindi na ngai, ajali na bomoi na seko mpe akokoma na esambiseli te kasi asili kolongwa na kufa mpe koiingela na bomoi.

(Yoane 5:24)

Soko bino bokoumela kati na liloba na ngai, bokojala bayekoli na ngai na solo, mpe bokoyeba solo, mpe solo ekosikola bino.

(Yoane 8:31,32)

Bato yonso bakondima Klisto bakojua kolimbisa na masumu

Mpo ete Njambe alingaki mokili na motindo boye ete apesi Mwana-na-likinda na ye ete moto na moto oyo akondima ye abebisama te kasi ete ajala na bomoi na seko.

(Yoane 3:16)

Klisto akufaki mpo na masumu mbala moko mpo na libela, ye moyengebeni mpo na bakeseni, ete abelemisa biso na Njambe.

(1 Petelo 3:18)

Masumu makofuta mbongo, mbongo yango bobele kufa; nde Njambe akopesa likabo mpamba, likabo na ye bomoi na seko kati na Yesu Klisto, Nkolo na biso.

(Baloma 6:23)

Bandimi na ye yonso bakojua kolimbisa na masumu mpo na nkombo na ye.

(Misala 10:43)

Bobiki na ngolu na njela na kondima; yango euti na bino te, ejali likabo na Njambe. Euti na misala te ete moto amikumisa te.

(Baefese 2:8,9)

Okemba na nguya na kondima

Ojala na kondima mpe lisosoli malamumu. Bamosusu baboyi yango mpe bajindisi kondima na bango.

(1 Timote 1:19)

Na nsuku, bomikembisa kati na Nkolo mpe na makasi na nguya na ye. Bolata molato mobimba na etumba na Njambe ete boyeba kotelema liboso na mayele na oyo mabe. (diabolo) ... Na yango yonso bokamata nguba na kondima, na yango bokoki kojimisa mbanji yonso na moto na oyo mabe.

(Baefese 6:10,11,16)

Nde yo, e moto na Njambe ... Obunaka etumba malamumu na kondima, osimba bomoi na seko.

(1 Timote 6:11,12)